

ԱՆԴՐԱՊՈՎԱԿԱՍԻ ԲՈԼՇԵՎԻԿՆԵՐԻ ՊԱՅՔԱՐԸ ԷՍԷՆՆԵՐԻ ԴԵՄ
1917 Թ. ԵՏՀՈՒԼԻՍՅԱՆ ԺԱՄԱՆԱԿԱՇՐՁԱՆՈՒՄ

ՍԱՍՈՒՆԻԿ ՄԵԼԻՔՅԱՆ

էսէռական առաջին կազմակերպութիւններն Անդրկովկասում ստեղծվեցին 1903—1905 թթ., երկրամասի համեմատաբար խոշոր քաղաքներում՝ Բաքվում, Թիֆլիսում, Երևանում և այլն: Ռուսական առաջին հեղափոխութեան տարիներին էսէռների դիրքերն Անդրկովկասում շատ թույլ էին:

Նրանց գործունեության մասշտաբների մասին բնորոշ է Անդրկովկասի հեղափոխական շարժման ակտիվ գործիչներից մեկի՝ Ֆ. Մախարաձեի, կարծիքը: Նա գրել է. «էսէռները գործում էին քաղաքներում, ինչպես, օրինակ, Թիֆլիսում; Բաքվում: Այդ խմբակները կազմված էին բացառապես մտավորականներից, որոնք ոչ մի կապ չունեին ոչ միայն գյուղացիության, այլև քաղաքի բանվորների հետ»¹:

Երևանում էսէռական կազմակերպություն սկսել է գործել 1905 թ.: Այդ մասին հիշատակվում է 1917 թ. ապրիլին Թիֆլիսում կայացած սոցիալիստ-հեղափոխականների Անդրկովկասյան շրջանային համագումարում Երևանի կազմակերպության ներկայացուցիչ Տեր-Հակոբյանի ելույթում: Նրանում ասված է. «էսէռական կազմակերպության գործունեության սկիզբը վերաբերում է 1905 թվականին, երբ «Դաշնակցություն» կուսակցությունից դժգոհ հեղափոխական-սոցիալիստական էլեմենտները հեռացան այդ կուսակցությունից և մի քանի էսէռ ուսանողների հետ միասին հիմնեցին իրենց կազմակերպությունը: Մինչև 1907 թվականը աշխատանքը տարվում էր ոչ լայն մասշտաբներով: Իսկ 1908 թվականից մինչև հեղաշրջումը (փետրվարյան բուրժուադեմոկրատական հեղափոխությունը—Ս. Մ.) այն բուլդոզերի դադարեց»²:

1905—1907 թթ. էսէռների դիրքերը բավական ուժեղանում են Քութաիսում և Բաքվում: 1908 թ. սկսում է լույս տեսնել Քութաիսի էսէռական կազմակերպության օրգան «Շրոմա» («Աշխատանք») վրացերեն թերթը: Եթե Բաքվում էսէռական կազմակերպությունը մինչև 1905 թ. շատ թույլ էր և տեղի սոցիալ-դեմոկրատներից մեկի դիպուկ արտահայտությամբ «կարող էր տեղավորվել մեկ բազմոցի վրա»³, ապա հետագայում էսէռները բավական ամրապնդեցին իրենց դիրքերը՝ կուսակցական բջիջներ ստեղծելով քաղաքի մի շարք արդյունաբերական շրջաններում: Ստեղծվեցին նաև ադրբեջանական էսէռական «Թթթիֆակ» («Միություն») և «էշեմա» («Արև») կազմակերպությունները: 1907 թ. հունիսին Բաքվում ձևավորվեց նաև սոցիալիստ-հեղափոխականների կուսակցության հայ կազմակերպությունը՝ ռուսական սոցիալիստ-հեղափոխականների հայկական մասնաճյուղը⁴: Սոցիալիստ-հեղափոխականների կուսակցության հայ կազմակերպության ստեղծման նախաձեռնությունն իրենց ձեռքն էին վերցրել այսպես կոչված «անչափականները»

¹ Ф. Махарадзе, Очерки революционного движения в Закавказье, Тбилиси, 1927, с. 317.

² «Знамя труда», Тифлис, 11. IV. 1917.

³ «Очерки истории коммунистических организаций Закавказья», ч. I, Тбилиси, 1967, с. 178.

⁴ Նույն տեղում:

⁵ ՍՄԳԳ Կենտկոմին առևտրի մարքտիզմ-լենինիզմի ինստիտուտի հայկական մասնաճյուղի արխիվ, ֆ. 4043, ց. 1, գ. 1, ք. 49:

կամ «երիտասարդ դաշնակցականները», որոնք, ի. Աթաբեկյանի (Ռիխարդ) դիւսալորութեամբ, հեռացել էին դաշնակցութիւնից: Անդրադառնալով դաշնակցականներին և էսէռների փոխհարաբերութեան հարցին, Վ. Ի. Լենինը, հիմնականում ի նկատի ունենալով նրանց ծրագրերը, գրել է, որ դաշնակցութիւնը «շատ մոտիկ է էսէռներին, իսկ «երիտասարդները» նույնիսկ մտնում են ս.—հ. (սոցիալիստ-հեղափոխականների—Ս. Մ.) կուսակցութեան մեջ»⁶:

Շուտով էսէռների «հայ կազմակերպութեան» մասնաճյուղեր են ստեղծվում նաև Թիֆլիսում, Ալեքսանդրապոլում, Կարսում և այլ քաղաքներում: 1908 թ. մարտից Բաքուում սկսում է լույս տեսնել էսէռների «հայ կազմակերպութեան» մամուլի անդրանիկ օրգան «Անիվ» շաբաթաթերթը, որի խմբագիրը Գ. Բազադ-Աղաջանյանն էր: Թերթը հայտարարում էր, որ իրենց կազմակերպութիւնը ոչ մի կապ չունի դաշնակցութիւն կուսակցութեան հետ⁷:

Ռեակցիայի և իմպերիալիստական պատերազմի տարիներին էսէռների դիրքերն Անդրկովկասում բավական թուլացան: Նրանց կազմակերպութիւնների մի մասը չդիմացավ և ջախջախվեց: էսէռական որոշ կազմակերպութիւններ պահպանվեցին Ելիզավետպոլում, Բաթումում, Թիֆլիսում, Բաքուում և այլ քաղաքներում: Անդրկովկասում սոցիալիստ հեղափոխականների կուսակցութիւնն իր երկրորդ ծնունդն ապրեց 1917 թ. փետրվարյան հեղափոխութիւնից հետո, երբ նրա պատմութեան մեջ սկսվեց, ինչպես իրենք՝ էսէռներն էին կարծում, «փառավոր» մի շրջան⁸:

Քաղաքական կուսակցութիւնների իսկական դեմքը, նշել է Վ. Ի. Լենինը, «ամենից ավելի պարզորոշ երևան է գալիս ամբողջ երկիրը ցնցող խոր ճգնաժամների ժամանակ: ...Լուրջ պայքարը դեռ է նետում ամեն տեսակ ֆրադները, այն ամենը, ինչ մանր է և խորթ»⁹: Պետրոգրադի 1917 թ. հուլիսյան իրադարձութիւնները լիովին համապատասխանում են Վ. Ի. Լենինի վերը նշված բնութագրմանը: Փետրվարյան բուրժուադեմոկրատական հեղափոխութիւնից հետո ժամանակավոր կառավարութեան հուլիսյան ճգնաժամը և դրան հաջորդած իրադարձութիւնները բեկումնային նշանակութիւն ունեցան թե՛ հեղափոխութեան հետագա ճակատադրի, թե՛ բազմաթիվ կուսակցութիւնների, այդ թվում էսէռների, իսկական էությունն ըմբռնելու համար: Վ. Ի. Լենինը նշում էր, որ էսէռները, հավատարիմ իրենց ավանդական երկդիմի քաղաքականութեանը, դավաճանելով իրենց իսկ «հեղափոխական ֆրադներին» և հեղափոխութեանը, «մատնեցին բուլշևիկներին և լուեյայն հաստատեցին նրանց թերթերի ավերումը, չհամարձակվելով նույնիսկ ուղիղ և բացահայտ կերպով ասել ժողովրդին այն մասին, որ դա իրենք են անում և ինչու են այդ անում: ...Նրանք դարձան ամենադատարկ շաղակրատներ, որոնք օգնում էին ռեակցիային «գրադեցնել» ժողովրդի ուշադրութիւնը, մինչև ռեակցիան կավարտի Սովետները ցրելու իր վերջին նախապատրաստութիւնները»¹⁰:

Չնայած այն հանգամանքին, որ Անդրկովկասի պաշտոնական և բուրժուազոգայնական մամուլն ամեն կերպ ցանկանում էր ժողովրդից թաքցնել օբյեկտիվ ճշմարտութիւնը, այնուամենայնիվ, հուլիսյան իրադարձութիւնների լուրը ցնցող տպավորութիւն գործեց ամբողջ երկրամասում: Տեղական իշխանութիւնները, էսէռամենշեկյան սովետների ամենաեռանդուն աջակցութեամբ, ձեռք առան բոլոր հնարավոր միջոցները, որպեսզի կանխեն հեղափոխականներին տրամադրված ժողովրդական մասսաների և կովկասյան բանակի զինվորների ելույթները:

Հուլիսի 7-ին Թիֆլիսում կայացավ Կովկասյան բանակի երկրային սովետի և բանվորների, զինվորների անդրկովկասյան սովետների գործադիր

6 Վ. Ի. Լենին, ՆԼժ, հ. 16, էջ 471:

7 «Անիվ», 8. VII. 1908:

8 Ասքանազ Մուսիլյան, Հոգովածներ և ճառեր (1913—1929), Երևան, 1961, էջ 121:

9 Վ. Ի. Լենին, ՆԼժ, հ. 21, էջ 341:

10 Վ. Ի. Լենին, ՆԼժ, հ. 34, էջ 2:

կոմիտեների միացյալ նիստը: Քննարկվեց Պետրոգրադի իրադարձությունների նկատմամբ ունենալիք վերաբերմունքի հարցը: Ընդունված էսէնամենշեկիյան բանաձևում ասվում էր. «Պետրոգրադի կայազորի փոքրամասնության ելույթը, որի նպատակն էր բռնի ուժով ամբողջ դեմոկրատիայի վզին փաթաթել իր կամքը, Ռուսաստանի հեղափոխական ուժերը կազմալուծող մի քայլ էր»¹¹: Բանաձևում, իհարկե, լիովին նենգափոխված էին «ամբողջ դեմոկրատիա» և «կայազորի փոքրամասնություն» հասկացությունները: Անառարկելի իրողություն է այն, որ ժամանակավոր կառավարության և նրան պաշտպանող էսէնների ու մենշեկիկների դեմ վճռական գործողությունների կողմնակից էր մայրաքաղաքի հարյուր հազարանոց կայազորի բացարձակ մեծամասնությունը:

Ռեակցիան, էսէնամենշեկիյան և սեհարյուրակային մամուլն ամբողջ մեղքը գցում էին բոլշեիկների վրա: Նրանց մեղադրանքները հասնում էին անհեթեթության աստիճանի: Այսպես, օրինակ, սոցիալիստ-հեղափոխականների կուսակցության Անդրկովկասյան կոմիտեի օրգան «Ջնամյա տրուդա» թերթը Պետրոգրադի հեղափոխական զինվորների արգարացի ելույթը բնութագրում էր որպես «ոչ սոցիալիստական բնույթի», «խուլիգանական», «անարխիստական» միջոցառում, որը բնորոշ է միայն «ամենամութ ռեակցիոն ուժերին»: Նա բոլշեիկյան կուսակցության առաջնորդներին որակում էր որպես «գեմրանական գործակալներին» և հանդում այն հերակացության, որ «ռուսական իրականությունը Փետրվարյան հեղափոխությունից հետո պահանջում է ոչ թե հեղափոխության զարգացում, այլ՝ ամրապնդում»¹²:

Բարձի էսէնների «Աշխատանքի դրոշակ» հայերեն թերթը հուլիսյան ցույցից հետո երկրում հաստատված ռեակցիան բնութագրում էր որպես «հեղափոխական դիկտատուրա» և խորհուրդ էր տալիս ոչինչ չխնայել «ժամանակավոր կառավարությանն օգնելու՝ նրա սկսած մեծ փրկարար կոմիտե»¹³: Ուշագրավ է, որ Կովկասյան բանակի երկրային սովետի նախագահ էսէն Դ. Դոնսկոյը սովետի հուլիսի 10-ի նիստում, «անցանկալի» բանավեճերի առաջն առնելու և բոլշեիկներին ահաբեկելու մտադրությամբ, նիստի հենց սկզբում հրապարակում է Կերենսկու հրամանը՝ «բոլշեիկներին ձերբակալելու և բոլշեիկյան թերթերը փակելու» վերաբերյալ¹⁴:

Պետրոգրադի հուլիսյան իրադարձություններն Անդրկովկասի էսէնների և մյուս ռեակցիոն ուժերի համար դարձան հարմար առիթ՝ վերջապես հաշվահար տեսնելու բանակում և աշխատավորների շրջանում իրենց դիրքերը և աղիքությունն օր-օրի ամրապնդող բոլշեիկների հետ: էսէնները, որոնց դիրքերն ինքնակալության անկումից հետո Անդրկովկասում համեմատաբար ամուր էին, Փետրվարյան հեղափոխությունից մի քանի ամիս հետո զգալով, որ իրենց համաձայնողական քաղաքականությունը մատնված է կրակի և գնալով կորցնում են իրենց հենարանն Անդրկովկասի քնակչության մեջ, բոլշեիկների դեմ անցան ավելի ռեակցիոն միջոցառումների՝ պահպանելով, իհարկե, առերևույթ չեզոքություն: Այսպիսով, Անդրկովկասի էսէնները ևս անցան հակահեղափոխության ճամբարը: Մինչև հուլիսյան իրադարձությունները շարունակվում էին բոլշեիկ գործիչների դեռևս ապրիլից սկսված ձերբակալությունները: Սակայն ժողովրդական մասսաներին գաղտնի էր մնում այն փաստը, որ շատ ռեակցիոն միջոցառումներ ղեկավարում են հենց իրենք էսէնները: Օրինակ, Թիֆլիսում հունիսի սկզբին բոլշեիկներ էրաքանի, Քալանթաձեի, Տարազյանի և Սուլավյանի ձերբակալության դործը ղեկա-

¹¹ «Голос краевого совета' солдатских депутатов кавказской армии», 9. VII. 1917.

¹² «Знамя труда», 11, VII. 1917.

¹³ «Աշխատանքի դրոշակ», 16. VII. 1917:

¹⁴ ՄՄԿԿ Կենտկոմին առըթիվ մարքոզմ-լենինիզմի ինստիտուտի վրացական մասնաճյուղի կուսախիվ, ֆ. 8, ց. 3, գ. 944, ք. 14:

վարում էր էսէռ Ռեբրուկը, որը Թիֆլիսի բանվորների և զինվորների դեպուտատների սովետի գործադիր կոմիտեի անդամ էր¹⁵։ Բաթումի էսէռները, հավատարիմ իրենց Թիֆլիսի կոլեգաների վարքագծին, հուլիսի սկզբներին արդենցին Պետրոգրադից ուղարկված «Պրավդա» թերթի համարների առաքումը ռազմաճակատ¹⁶։

Իրականությունը ժողովրդին հասցնելու գործում անգնահատելի աշխատանք էին կատարում տեղի բուլժեկյան կազմակերպությունները և, հատկապես, բուլժեկյան մամուլի օրգանները՝ «Կավկազսկի ռաբոչին», «Բալկինսկի ռաբոչին», «Բանվորի կռիվը», «Բրձուլան», «Սոցիալ-դեմոկրատը», «Հումմեթը» և այլն։ Բնութագրելով Պետրոգրադի իրադարձությունները, «Կավկազսկի ռաբոչին» գրում էր. «սոցիալիստ հեղափոխականների անկայունությունը, համաձայնողականությունը և օպորտունիզմը մեկ անգամ ևս խանգարեցին դեմոկրատիային՝ գրավելու ամբողջ իշխանությունը։ Դրությունն այնպիսին էր, որ պետք էր կա՛մ վճռականորեն գրավել իշխանությունը, կա՛մ դեմ զնալ շարժմանը։ Սոցիալիստ-հեղափոխականներն ընտրեցին վերջինը։ Նրանք ձեռք մեկնեցին ճշող գեներալ Պոլովցեին»¹⁷։

Հերքելով այն անհեթեթ լուրերը, որ տարածում էին Անդրկովկասի էսէռական թերթերը բուլժեկների մասին, Ստ. Շահումյանը գրել է. «Բոլոր անհաջողությունների մեջ, բանակի ապրած ամբողջ խայտառակության մեջ նրանք մեղադրում են բուլժեկներին»։

Պատմությունը հազիվ թե գիտենա ավելի գրանգիոզ մի պրովոկացիա ընդդեմ հեղափոխական կուսակցության։ Ամբողջ խավար Ռուսաստանին, որը շղաճդվում և ելք է փնտրում ժանր կրիզիսից, բոլոր քաղքենիներին և գյուղացիներին ուղում են գրգռել բուլժեկներին դեմ¹⁸։ Բնութագրելով էսէռներին, Ստ. Շահումյանը նշել է, որ «Ռուսաստանում ոչ մի կուսակցություն չի տվել այնպիսի խոշոր պրովոկատորներ, ինչպես էսէռների կուսակցությունը։ Եվ, չնայած դրան, քաղաքականապես ազնիվ ոչ մի մարդ մտքովն անգամ չէր կարող անցկացնել, որ գյուղացիական շարժումը գյուղերում կամ մանրբուրժուական ինտելիգենցիայի աշխատանքը քաղաքներում պրովոկացիայի արդյունք է։ ...էսէռների կուսակցությունը իշխող կուսակցություններից մեկն է այժմ»։

Բայց քանի որ նա արդեն իշխող կուսակցություն է, ուստի բոլորն էլ մոռացել են, որ նրա միջավայրից են դուրս եկել հուլիսի պրովոկատորները, — ազեֆները, բոգրովները, գապոները և այլն¹⁹։

Իշխանության գլուխ անցած կուսակցությանը դժվար չէր իր մամուլի օրգաններից մեկում՝ աշ էսէռական «Դեն» թերթում, գետեղել մի հոդված, որում ասվում էր. «Եթե մեր հեղափոխական պատմության մեջ չլինեին լենինյանները, նրանց կհնարեին։ Այլ կերպ, ինչպե՞ս պայքարել հեղափոխության դեմ»²⁰։ «Հակահեղափոխական բուրժուազիան», — գրել է Ստ. Շահումյանը, — արատավորում է լենինյաններին, նրանց ցուցադրում է իբրև հեղափոխության դավաճաններ՝ հենց այդ հեղափոխության դեմ պայքարելու համար։ Բայց, արտահայտելով այդ միտքը, էսէռները երբեք չպետք է մոռանան այն»²¹։

էսէռների դեմ բուլժեկյան կուսակցությունը համառ պայքար էր մղում նաև Բաքվում՝ Անդրկովկասի այդ արդյունաբերական խոշոր կենտրոնում,

15 С. Е. Сеф, Революция 1917 года в Закавказье (документы, материалы), Тифлис, 1927, с. 23.

16 «Кавказский рабочий», 2. VII. 1917.

17 Նույն տեղում, 2. VIII. 1917.

18 Ստեփան Շահումյան, ԵԺ, Գ. 3, էջ 153.

19 Նույն տեղում, էջ 138—139.

20 Նույն տեղում.

21 Նույն տեղում.

որտեղ էսէնների ազդեցությունը հատկապես մեծ էր: Եվ քանի որ դա այդպես էր, անհրաժեշտ էր ավելի եռանդուն գործել, որպեսզի էսէնների պրոպագանդայից խաբված աշխատավորները ճիշտ ըմբռեն իրերի դրությունը և ճանաչեն նրանց իսկական դեմքը: Այդ ուղղությամբ բոլշևիկների աշխատանքը գլխավորում էին Ստ. Շահումյանը, Ա. Զափարիձեն, Մ. Աղիզբեկովը և ուրիշներ: Բոլշևիկների աճող հեղինակության մասին էր խոսում այն փաստը, որ երբ Բաքվում 1917 թ. հուլիսի 9-ին զինվորական ակումբում պետությունը իրադարձությունների կապակցությամբ կայացած ժողովում Ս. Շահումյանից հետո փորձեց ելույթ ունենալ էսէն Ռ. Բեկդադյանը, ներկաները նրան թույլ չտվեցին խոսել և մենշևիկ Սադովսկու հետ միասին հեռացրին դահլիճից²²: Հուլիսի 16-ին «Սոցիալ-դեմոկրատ» թերթում տպագրված հոդվածում ընդլայնված հեղափոխության նոր փուլում էսէնների և մյուս համաձայնողականների վարքագիծը, Ստ. Շահումյանը գրել է. «Արդեն ամբողջ մանրրործական դեմոկրատիան—մենշևիկների և էսէնների ղեկավարությամբ,— որ առաջ տատանվում էր բուրժուազիայի ու պրոլետարիատի միջև և հեղափոխության սկզբի օրերին ավելի մոտ էր վերջինիս,— այժմ բացարձակապես անցել է հակահեղափոխական բուրժուազիայի կողմը և նրա հետ միացած բացարձակ կռիվ սկսել հեղափոխական պրոլետարիատի և նրա կուսակցության դեմ»²³:

Էսէններին մերկացնող քննադատությամբ հանդես էր դալիս նաև Թիֆլիսի բոլշևիկների օրգան «Բանվորի կռիվը»: «Բանվորության համար ոչ մի թշնամի,— գրում էր թերթը,— այնքան վտանգավոր չէ, որքան մանր բուրժուազիան: Այս հեղափոխության ընթացքում նա անուղղելի և սոսկալի հարվածներ հասցրեց հեղափոխական պրոլետարիատին: Մանր բուրժուական մասսաները իրենք իրենց անվանում են «դեմոկրատիա»: Այդ չարաբաստիկ դեմոկրատիայի անուկից խոսում են և գործում էսէններն ու մենշևիկները»²⁴:

Հուլիսյան իրադարձությունները ցնցեցին նաև Ալեքսանդրապոլը: Քաղաքի կայազորի զինվորների պահանջով հուլիսի 9-ին կայացավ հսկայական ցույց և միտինգ, որոնց ղեկավարությունն իրենց ձեռքն էին վերցրել բոլշևիկները²⁵: Դատելով լոգունգների բովանդակությունից և բոլշևիկների տակտիկայից, այն հետևությունը կարելի է անել, որ Ալեքսանդրապոլի կայազորի հուլիսի 9-ի մասսայական ցույցն ու միտինգը Պետրոգրադի և Թիֆլիսի հունիսյան նշանավոր ցույցերի ուղղակի արձագանքն էին²⁶: Ցույցի գլխավոր լուգունգը նոր հարձակման, պատերազմի մերժումն էր: Սխալ էր, իհարկե, երբ ցուցարարները հեղափոխության հին, խաղաղ փուլին համապատասխան պահանջում էին ամբողջ իշխանությունը հանձնել սովետներին²⁷: Միտինգի ժամանակ ճառերով հանդես եկան բոլշևիկները, էսէնների և մենշևիկների ներկայացուցիչները: Բոլշևիկներից հանդես եկան Գ. Հայկունին, Բ. Ղարիբջանյանը և Պ. Արվիլաձեն, որը միտինգի նախագահն էր: Ալեքսանդրապոլի սովետի «Ռաբոչի ի սոլդատ» թերթում նշվում էր, որ էսէն Տեր-Գասպարովի և մենշևիկ Բարսամովի ճառերը ավելի փոքր համակրանքով լսվեցին, քան բոլշևիկ հռետորներինը, որոնց ճառերն ավարտվում էին բացականչություններով և ծափահարություններով: Միտինգի ավարտվելուց հետո ընդունվեց բոլշևիկ Շապվալենկոյի առաջադրած բանաձևը²⁸, որը Պետրոգրադի բանվորների ու զինվորների հուլիսյան հզոր ցույցը համարում էր «արդարացի

²² «Победа советской власти в Закавказье», Тбилиси, 1971, с. 117.

²³ Ստեփան Շահումյան, ԵՃ, հ. 3, էջ 166.

²⁴ «Բանվորի կռիվը», 23. VII. 1917.

²⁵ «Рабочий и солдат», 14. VII. 1917.

²⁶ «Революционное движение в русской армии в 1917 году», М., 1981, с. 128.

²⁷ «Рабочий и солдат», 14. VII. 1917.

²⁸ Նույն տեղում:

և անհրաժեշտ բողոք կոալիցիոն միևիպարության ինչպես արտաքին, այնպես էլ ներքին քաղաքականության դեմ» և ավելացնում էր. «Ալեքսանդրասյուլի կայազորի զինվորներն ու բանվորներն ամբողջովին միանում ենք Պետրոգրադի ընկերներին, հեղափոխական բանակին, հեղափոխական պրոլետարիատին և պահանջում ենք, որ ամբողջ իշխանությունն անհապաղ հանձնվի բանվորների, զինվորների և գյուղացիների դեպուտատների համառուսաստանյան սովետին»²⁹:

«Ռաբոշի ի սոլդատ» թերթում Պ. Արվելաձեի ստորագրությամբ հիշյալ բանաձևի հրապարակումը և միտինգի վերաբերյալ հաղորդագրությունը լուրջ հարված էր էսէռներին և մյուս համաձայնողականներին: Բայց ռեակցիայի ակտիվացման պայմաններում բոլշևիկների հալածանքն Ալեքսանդրասյուլում ևս ուժեղացավ: Պ. Արվելաձեն ազատվեց «Ռաբոշի ի սոլդատ» թերթի խմբագրի պարտականություններից: Հաջորդ համարից թերթը վերածվեց էսէռների և մյուս համաձայնողականների իսկական պաշտպանի: Այն հեղեղվեց այնպիսի նյութերով, որոնցում հավանություն էր տրվում Պետրոգրադի զինվորների խաղաղ ցույցը զնդակոծողների և հակահեղափոխական ուժերի միասնական բլոկի գործողություններին: Սակայն թերթում տպագրվող նման հոդվածները չէին կարող կանգնեցնել բոլշևիկների հեղինակության աճը:

Քննվող ժամանակաշրջանում Երևանի հասարակական-քաղաքական կյանքի օբյեկտիվ պատկերին ծանոթանալուն խանգարում է այն հանգամանքը, որ քաղաքում բոլշևիկների համեմատաբար թույլ լինելու պատճառով բացակայում էր բոլշևիկյան մամուլը: Այդ իսկ պատճառով քաղաքի հասարակական-քաղաքական կյանքի մասին հիմնական տեղեկությունները ստանում ենք էսէռամենշևիկյան համաձայնողական սովետի օրգան «Ստրաժ սվոբոդի» թերթի մանրադնին ուսումնասիրությունից, թերթ, որն իրականում էսէռների օրգանն էր: Այնտեղ տպագրված հաղորդագրություններից տեղեկանում ենք, որ օգոստոսի 10-ին Երևանում տեղի է ունեցել սպեկուլյացիայից ու թանկությունից դժգոհ զինվորների ելույթ: Դեպքերն ավելի սուր բնույթ են ընդունում, երբ զինվորներին հայտնի է դառնում, որ սպայական ժողովում մի քանի ռեակցիոն սպաներ վիրավորել են զինվորների համակրանքը. վայելող սպա բոլշևիկ Թոփուրիձեին: Այդ միջադեպը քննարկվում է կայազորի զինվորական պատգամավորների սովետի օգոստոսի 13-ի արտակարգ նիստում³⁰: Նրանում առաջինը հանդես է գալիս համանատարության ներկայացուցիչ փոխգնդապետ Պուշկովսկին: Նա աջից դատապարտում է «գործադիր օրգաններին», որոնք ի վիճակի չէին կանխելու հեղափոխական շարժումը կայազորում: Նրանից հետո հանդես եկած Թոփուրիձեն մերկացնում է Պետրոգրադի, Մոսկվայի, Երևանի և այլ համաձայնողական սովետների գործադիր կոմիտեներին, էսէռներին ու նրանց համախոհներին, նշելով, որ նրանք իրենց գործունեությամբ ուղի հարթեցին հակահեղափոխության հաղթանակի համար: Այնուհետև ելույթ է ունենում սովետի նախագահ էսէռ Նրմուլաևը, որի ճառն ամբողջապարտության անսրող օրինակ կարող է ծառայել: Նա վերհիշում է մարտյան օրերին սպաների ու զինվորների ռեալիստությունը կարմիր դրոշի ներքո» և կոչ է անում վերադառնալ այդ «բեռանելի» ժամանակներին: Նույն ոգով էր տոգորված նաև էսէռ Կիտակի ճառը, որը հանդես է գալիս ձգձգելու մոմենտի մասին: Խոսելով պատերազմը շարունակելու անհրաժեշտության մասին, Կիտակն օգտագործում է էսէռներին հատուկ խաբուսության բոլոր նրբերանգներն ու խորամանկությունները, որպեսզի նվաճի ներկաների համակրանքը: Նրա ճառը զարդարում էին ժամանակի ոգուն համապատասխան և կարծես մեկ այլ կուսակցության լոգունգներից փոխառնված «ազատություն», «դեմոկրատիա», «հաշտություն առանց անեքսիաների և

²⁹ Նույն տեղում:

³⁰ «Стр.ж. свободы», 17. VIII. 1917.

կոնտրիբուցիայի» արտահայտությունները: Բանակի փրկության միակ ուղին կիտակը տեսնում էր կարգապահության բարձրացման մեջ և կոչ էր անում ենթարկվել գեներալ Կոռնիլովի հրամանին, այսինքն՝ բանակում հաստատել խստագույն կարգապահություն, որը, ըստ էության, չէր տարբերվելու ցարական ժամանակների ռադմական մոլշտրայից: Կիտակը, նկատի ունենալով բոլշևիկներին, նաև նշում էր, որ «մութ ուժերը» ցանկանում են հետաձգել Սահմանադիր ժողովի հրավիրումը: «Եվ եթե մեր ժամանակավոր կառավարությունը,— շտրունակում էր նա,— հետաձգի նրա հրավիրումը, ապա մենք պետք է հասկանանք, որ այդ որոշումը ընդունված է, ելնելով ամենաթալրահեղ անհրաժեշտությունից»³¹: Սովետի նախագահ Սրմոլաեր լրացնելով Կիտակին, հայտարարում էր, որ «մեր առջև արտաքին թշնամին է, իսկ հետևյալում՝ ներքին. հեղափոխությունը վտանգի մեջ է: ...Մենք պետք է խիտ շարքերով ետ մղենք ներքին թշնամուն (բոլշևիզմը)»—Ս. Մ.): Մենք այդ կանենք միայն այն ժամանակ, երբ հանգես գանք ուղիղ, կազմակերպված շարքերով»³²: Պետրոգրադի հուլիսյան խաղաղ ցույցի գնդակոծումից հետո էսէռները և մյուս համաձայնողականներն իրենց զգում էին ժամանակի տիրակալներ և արգեն բացահայտում էին իրենց իսկական նպատակները, որոնք, ըստ էության, այլևս չէին տարբերվում կազետների ու բանակի ռեակցիոն հրամանատարության նպատակներից: Ի վերջո, նիստում ընդունվում է հետևյալ բանաձևը. «Լսելով և քննարկելով գեներալ Կոռնիլովի հրամանի և ընթացիկ մոմենտի մասին ղեկուցումները, Սրևանի կայազորի զինվորների պատգամավորների սովետը որոշում է. ողջունել գեներալ Կոռնիլովի հրամանը և ձեռնարկել բոլոր միջոցները այն կյանքում իրագործելու ուղղությամբ: Ընթացիկ մոմենտի իրադարձությունները մեզնից պահանջում են Սովետների շուրջը համախմբել զեմոկրատիայի ամբողջ ուժերը՝ երկրի մութ ուժերին (բոլշևիկներին)»—Ս. Մ.) դիմագրավելու համար»³³:

Անդրկովկասում էսէռների ետհուլիսյան քաղաքականության ուսումնասիրությունը ցույց է տալիս, որ նրանք նախորդ ժամանակաշրջանի իրենց համաձայնողական քաղաքականությամբ քայլ առ քայլ երկիրը կանգնեցրին կոռնիլովյան միապետական դավադրության առջև:

Սանրբորժուականության էվոլյուցիան և սարսափը սոցիալիստական հեղափոխության հազթանակի հեռանկարից հանգեցրին նրան, որ ընդարձակ երկրի հեղափոխական կարևորագույն օջախներից մեկում՝ Անդրկովկասում ևս, էսէռները համաձայնողականությունից անցում կատարեցին դեպի բացահայտ հակահեղափոխություն: Պայքարելով էսէռների դեմ, երկրամասի բոլշևիկներն օգնում էին աշխատավորներին՝ տարբերելու նրանց խոսքն ու գործը և քննարկելու պայքարի ճշմարիտ ու վճռական ուղի:

БОРЬБА БОЛЬШЕВИКОВ ЗАКАВКАЗЬЯ ПРОТИВ ЭСЕРОВ В ПОСЛЕИЮЛЬСКИЙ ПЕРИОД 1917 г.

САСУНИК МЕЛИКЯН

Резюме

Первые эсеровские организации в Закавказье появились в 1903—1905 гг. в Баку, Тифлисе, Ереване и других городах края. По сравнению

31 Նույն տեղում:

32 Նույն տեղում:

33 Նույն տեղում:

с организациями центральных районов России закавказские организации эсеров были еще очень слабыми и в период столыпинской реакции и первой мировой войны были разгромлены. «Второе рождение» партии эсеров в Закавказье относится к периоду после Февральской революции 1917 года.

Изучение политики эсеров в Закавказье после июльских событий 1917 г. приводит к заключению, что соглашательская политика этой мелкобуржуазной партии, совместно с меньшевистской и другими подобными партиями, поставила революцию перед опасностью корниловского мятежа. Мелкобуржуазный революционаризм, страх перед победой социалистической революции привели к тому, что в Закавказье также, как и во всей стране, эсеры перешли от соглашательства к явной контрреволюции.